

# Powšitkowne WOZJEWJENJA

njedźelu, 7. awgusta 2022

## Wusyłanje Božeje mše

Serbskorěčnu Božu mšu móža wěriwi tutu njedźelu, 31. julija, w 9.00 hodź. znowa z Chrósćic jako livestream sčěhować. Link na nju je w interneće pod [www.posol.de](http://www.posol.de) a na wosadnej stronje podaty.

## Duchowna hudźba

W Budyskej tachantskej cyrkwi wotměje so njedźelu, 7. awgusta, we 18 hodź. koncert duchowneje hudźby. Profesor Dirk Elsemann z Berlina hraje na woběmaj piščelomaj improwizacije němskich a serbskich kěrlušow. Wšitcy su wutrobnje přeprošeni.

## Młodžina do Schmiedeberga

Kubłanske dny serbskeje młodžiny wotměja so wot pjatka do njedźele, 23. do 25. septembra. w Schmiedebergskim Winfriedowym domje. Zajimcy měli so hač do póndźele, 5. septembra, online na internetowej stronje dekanatneho dušepastyrstwa za młodžinu přizjewić. Link na nju je w interneće pod [www.posol.de](http://www.posol.de) podaty.

## Wulět młodostnych do Błótow

Dekanatne dušepastyrstwo młodžiny přeprošuje młodostnych ze wšěch serbskich wosadow na zhromadny wulět do Błótow, a to njedźelu, 11. septembra. Wotjězd budže něhdže w 12 hodź., nawrót je wokoło 19 hodź. planowany. Přinošk we wysokosći 25 euro wopřija jězbu z busom a čołmom, wječer kaž tež zastup za reje a ma so w předpolu prepokazać. Přizjewjenja přijimuju so hač do póndźele, 29. awgusta, online. Wotpowědny link k tomu je pod [www.posol.de](http://www.posol.de) podaty. Dokładny plan, zwotkel bus w kotrym času pojedže, so wšěm, kotřiž su so přizjewili, po 29. awgusće wosobinsce zdžěli.

## Z kolesom putnikować

„Mjez časom a wěčnosću – Putnikowanje z kolesom w žiwjenskich fazach změny a přewróta“ rěka zarjadowanje, na kotrež přeprošuje Smochčanske kubłanišćo swjateho Bena wot srjedy do njedźele, 31. awgusta do 4. septembra. Mjez druhim wopytaja wobdźělnicy Zhorjelc, Kulow a Worklecy. Nawod změjetaj Christine Weber a Hubertus Klaus, duchownje přewodźec budže putnikow farar Franz Scharfenberg. Přizjewjenja přijimuju hač do srjedy, 10. awgusta, online. Link k tomu a k dalším informacijam je pod [www.posol.de](http://www.posol.de) wozjewjeny.

## **Kurs „Bibliske powědace figury“**

Smochčanske kubłanišćo swjateho Bena přeprašuje wot pjatka do njedźele, 14. do 16. oktobra, na tworjacy kurs „Bibliske powědace figury“. Při tym dže wo bibliske powědace figury, kotraž mnohostronske gesty zwuraznjeja a so lochce do druheje postawy přetworić móža. Přeprašeni su ludžo kóždeježkuli staroby, kotřiž měli so w Smochćicach přizjewić. Flajer z wobšěrnym wopisanjom je pod [www.posol.de](http://www.posol.de) wozjewjeny.

## **Dworowy swjedzeń w Hrubjelčicach**

Serbske ewangelske towarstwo a Maćijec swójba přeprašujetej wšitkich Serbow a dalšich zajimcow sobotu, 3. septembra, na lětnje pućowanje na hrodžišćo w Dobruši a na serbski swjedzeń. Započatk je w 14.00 hodź. na Jaworkec/Maćijec dworje w Hrubjelčicach, Čěchorčanska 16. Po swačini tam přizamknjetej so w 17 hodź. serbska ekumeniska nutrosć a program z kapału Horjany. Nadrobniše informacije su pod [www.posol.de](http://www.posol.de). wozjewjene.